

Heilbrigðisráðuneytið

Reykjalundi 20.maí 2020

Guðrún Sigurjónsdóttir

Tillögur að endurhæfingarstefnu útg. apríl 2020

Umsögn lækna ráðs Reykjalundar.

Lækna ráð Reykjalundar fagnar nýútgefinni skýrslu um tillögur að endurhæfingarstefnu, sér í lagi tillögu um aðgerðaráætlun sem er tímasett 2020-2025 og varðar næstu skref í uppbyggingu og þróun endurhæfingar á Íslandi.

Lækna ráð vill koma á framfæri athugasemdum við eftirfarandi liði:

Liður 3 í aðgerðaráætlun

Sameining reksturs Reykjalundar og Grensásdeildar Landspítala undir eina einingu, Endurhæfingarmiðstöð, er jákvætt. Endurhæfingarmiðstöð myndi bæta þjónustu við breiðari hóp sjúklinga sem þurfa á IV og V stigs endurhæfingu að halda. Árangur og skilvirkni í endurhæfingarþjónustu byggir á réttri þjónustu á réttu stigi og á réttum tíma. Endurhæfingarmiðstöð myndi stuðla að fræðilegum og þekkingarlegum ávinningi með góðum tengslum við háskólana og heilbrigðiskerfið. Miðstöðin myndi styðja við menntun, þjálfun og rannsóknir innan endurhæfingar og vera öflugur bakhjarl, veita stuðning og leiðsögn fyrir önnur þjónustustig endurhæfingar í landinu. Stofnun slíkrar miðstöðvar þarf að vera vel undirbúin og í góðu samráði milli viðkomandi aðila. Undirbúa þarf ferlið vel rekstrarlega, stjórnunarlega, fræðilega og faglega.

Liður 4 í aðgerðaráætlun

Staðlað matstæki byggt á alþjóðlegu flokkunarkerfi um færni, fötlun og heilsu (ICF) verði tekið í notkun.

ICF er mikilvægt alþjóðlegt matstæki í endurhæfingu. Þetta kerfi er umfangsmikið og lítt þekkt utan endurhæfingargeirans. Það er þungt í vöfum í daglegu starfi. Til að auðvelda notkun þarf að einfalda það og þjálfa fagfólk í notkun þess þannig að kerfið endurspegli þau vandamál sem er fengist við hverju sinni og verði nýtilegt sem matstæki á árangri endurhæfingar.

Fyrir hönd lækna ráðs Reykjalundar
Magdalena Ásgeirsdóttir